

682 Profectio Aeneæ Ex Virgilio. Quoad Ejus Fieri potuit varie descripta. Aeneas loquitur.

Postquam res Asiæ Priamique evertere gentem,
 Dis visum, capimus socios, classemque sub ipsa
 Antandro & Phrygiæ molimur montibus Idæ.
 Littoraque (heu) patria lacrymans portusque relinquo,
 Et feror in Thracum terras, atque arva Lycurgo
 Regnata, hic urbi nomen de nomine fingo.
 Sacra mari colitur medio gratissima tellus,
 Quam pius Arcitenens oras & littora circum,
 Errantem, Mycone celsa Gyaroque revinxit,
 Immotamque coli dedit & contemnere Ventos,
 Huc ferimur; Vento inde citi pelagoque volamus,
 Bacchatamque jugis Naxos, viridemque Donylam,
 Olearum, niveamque Paros, sparsasque per aquor
 Cycladas, & crebris legimus freta constita terris,
 At tandem antiquis Curetum adlabimur oris.
 Has quoque deserimus sedes agimurque tenebris.
 Quarto terra die primum se attollere visa,
 Servatosque undis Strophadum nos littora tandem
 Accipiunt: Strophades Grato stant nomine dictæ
 Insula Iovio in magno, quas dira Celeno
 Harpyæque colunt fugimus spumantibus undis.
 Jam medio apparet fluctu nemorosa Zacynthos,
 Dulichiumque, Sameque & Neritos ardua jaxis,
 Effugimus Ithacæ scopulos, Laertia regna,
 Mox & Leucata nimboſa cacumina montis.
 Et formidatus nautis aperitur Apollo,
 Hunc petimus fessi, & parva succedimus Urbi.
 Interea magnum Sol circumvolvitur annum,
 Protinus acrias Phæacum abscondimus arces,
 Littoraque Epiri legimus, portusque subimus
 Chaonio & celsam Butroti adscendimus urbem.
 Procedo, & parvam Troiam, simulataque magnis
 Pergamæ, & arentem Xanthi cognomine rivum
 Agnosco, Scææque amplector limina portæ.
 Hinc vehimur pelago vicina Ceraunia iuxta,

Vnde iter Italiam cursusque brevissimus undis,
 Italiam, Italiam primus conclamat Achates.
 Crebrescunt optata aura, portusque pateſcit
 Jam propior, Templumque apparet in arce Minervæ.
 Vela legunt socij, & proras ad littora torquent,
 Hinc sinus Herculei si vera est fama Tarenti
 Cernitur, attollit se diva Lacinia contra,
 Cauloniæque arces, & navisfragum Scilacæum,
 Tum procul è fluctu Trinacria cernitur Ætna.
 Ignarique via Cycloperum adlabimur oris.
 Ecce autem Boreas angustæ è sede Pelori
 Missus adest, virvo prætervehor, ostia saxo
 Pantagiæ, Megarolque sinus, Tapſumque jacentem.
 Plemmyrum undosum supero, & stagnantis Elori
 Pingue solum; hinc cautes projectaque saxa Pachyni
 Radimus, & fatis nunquam concessa moveri
 Apparet Camarina procul, campique Geloi,
 Immanisque Gela, fluvij cognomine dicta.
 Arduus inde Acragas scansu, & palmosa Selinis,
 Hinc vada dura lego saxi Lilybeia cæcis.
 Tum Drepani me portus, & illatibilis ora
 Accipit. Hic pelagi tot tempeſtatibus actus
 Heu genitorem, omnis cura casusque levamen
 Amitto Anchisen, longorum hæc meta laborum,
 Hinc acti fato & ventis, devenimus Urbem
 Eliſæ; hic quassas licuit subducere puppes,
 Digressi, freta Sicaniæ, charique parentis
 Oſſa peto, & latos illi celebramus honores.
 Interea ignotis Palinurus mergitur undis,
 Et classis scopulis Syrenum admota subivit.
 Ac tandem Euboicis Cumarum adlabimur oris,
 Tum se ad Cajetæ recto fert littore portum
 Classis: & hic radens Circeæ littora terra
 Optato tandem succedit Tiberidis alveo.